

2. *Diagnoses Cichoracearum novarum in Arabia et Abyssinia a cl. RUEPPELL lectarum.* Auctore C. H. Schultz, Bipontino, M. D., nosocomii Deideshemiensis medico. *)

Lagoseris Rüppellii C. H. Schultz.

L. radice annua, foliis radicalibus dentatis pilosis, caulibus pluribus efoliatis subramosis, capitulis semper erectis, floribus aureis.

Synon. *Trichoseris Rüppellii* C. H. Schultz in litt. ad Fresen.

Forma major: series involucri interna e squamis constat 13 linearibus; ligulæ flosculorum omnium aureæ.

Forma minor: series involucri interna e squamis constat 8 lato-linearibus, marginem versus scarriosite latiori instructis; ligulæ flosculorum periphericorum aureæ, dorso rubellæ.

Lecta in Arabiæ valle Arbain.

Crepis carbonaria C. H. Schultz.

C. radice monocephala unicauli, foliis radicali-

*) In manibus jam per aliquot menses habeo completam Cichoracearum complurium novarum descriptionem, quam cl. C. H. Schultz, indefessus Crepidearum indagator, cui species illas e collectione Rüppelliana tradidi, ad publicandum in *Musei Senckenbergiani* novo fasciculo mihi communicavit. Tempore vero pro impressione totius tractatus nondum opportuno diagnoses saltem specierum ibi fusius descriptarum hic divulgare in animo mihi est.